

Johann Quistorp

**Rector Universitatis Rostochiensis Johannes Quistorpius SS. Th. D. & Professor
Ad Exequiarum Solemnitatem, Quam ... luveni Dn. Fabiano Kölichen/ Ex Aedibus
... Viri Dn. M. Christiani Michaelis ad D. Jacobi Pastoris instituent Hospes &
Populares, Omnium ordinum cives ... invitat ...**

Rostochii: Kilius, 1639

<http://purl.uni-rostock.de/rosdok/ppn771553560>

Druck Freier  Zugang




Quistorp, J.,

in F. Kölich.

R. 1639.







RECTOR

36.

Universitatis Rostochiensis
JOHANNES QVI-
STORPIUS SS. Th. D. &
Professor

AD
EXEQVIARUM SOLEMNITATEM,
Quam

Nob. & Præstantiss^{mo}. Juveni

DN. FABIANO
ROSCHEW




Ex Ædibus

Rev. & Cl. Viri

CHRISTIANI MI-
CHELIS ad D. Jacobi Pastoris
instituent


Hospes & Populares,

Omnium ordinum cives, quo par est, studio
invitat in ædem Jacobæam ad horam
primam.



ROSTOCHII,

Typis NICOLAI KILLII, Acad. Typogr. Anno 1639.


Miranda certè res est. U-
nusquisq; nostrum , simul ac
maternis generis è latebris tem-
porum lapsu ac horarum quasi
fluvio exceptus tacitè abripitur, ita ut semper
quem vixit diem à tergo relinquat , nec un-
quam ad hesternum reverti , etiam si maximè
contendat, possit. Et hoc illud esse videtur Phi-
losophi, Bis in eundem fluvium non colloca-
ri pedem. Nos vero præclarè nobiscum agi
putamus, si illud plus quam Alexandrinum,
Plus ultra , meditemur , & cogitationes no-
stras in dies & annos quam plurimos promitta-
mus; ætatemq; successione, tanquam ingenti
lucro gaudemus, & beatum arbitramur, qui
ex ætate puerili ad juvenilem , ex ista ad viri-
lem & senectam ætatem evadit. Verum non
animadvertimus in periti , omne id vitæ spa-
tium, quod emensi vivendo sumus, jam pe-
riisse : neq; hanc, quam vivimus, effluere &
perire sentimus, licet ipsam præteritorum &
jam elapsorum annorum spatio seu modulo
metiamur; Imò ne cogitamus quidem, quan-
tum

tum nobis ad vivendum temporis indulgere
 volet is, qui ad hanc nos peregrinationem, an
 exiliū, transmisit vel etiam extrusit: non cogi-
 tamus, quæ ad hujus curriculi vel itineris metā
 farcinæ sint leves & expeditæ, non quæ gra-
 ves & molestæ, hum. adherentes, quæq; per
 angustam viam ferri, per angustam januam in-
 tromitti non possunt, ipsos etiam bajulos suos
 ijs onustos & impeditos excludunt. Atqui
 beatis esse licebat & hic & illic, si supervaca-
 neis, nec necessarijs, imo & perniciosis reli-
 ctis, ea in armum tolleremus, quæ animum,
 ornarent, corpus non tumidum, non timi-
 dum, non ignavum atq; iners, ad omne opus
 bonum segne & inidoneum redderent. Atqui
 decipimus nos ipsos & aquam cribro haustam
 in perforata dolia fundimus, adeoq; operam
 & oleum cupidi, ambitiosi, voluptati ac lasci-
 viæ dediti perdimus. Adeste juvenes præser-
 tim Studiosi, & æratis vestræ conditionem
 discite, si ignoratis. *Καρον ἢ νεότης, αἰτ' ἄνδρ' ἄριστος,
 καὶ δεινήτην πρὸς τὴν φάυλα: ὑπερβολὴν δυσχερῆς, ὄργαι
 θηριώδεις, ἀπειρία καὶ ὑβρις, ἀπερηφάνεια καὶ φυσιώσεις,
 σωτήροφρα τῆ νεότητι πάθη, φόβοι πρὸς τὸ ὑπερέχον, ὑποψία πρὸς
 τὸ οἰκίον μυσίων κακῶν ἐσμὸς σωζόμενοι τῆ νεότητι.* **Levis**
res est juvenus & ad mala proclivis mobilisque;
Cupidi-

Cupiditates effrenatæ, iracundia ferina, pe-
culantia insolens, flagitiosa, contumeliosa, fa-
stiosa ac supercilij elati plena: Eminentiori-
bus invida, de familiaribus male suspicatur,
innumerum deniq; vitij examen cum juven-
tute, præsertim non optime educta, non insti-
tuta, suæq; lasciviæ permissa, conjunctum
est. Intertales vero diversi eminent velut in-
ter ignes Luna minores, de quibus literæ sacræ
loquuntur, qui vitam suam instituunt juxta
Dei legem, ejusq; viam ingrediuntur hanc
lucernam habentes ante pedes & oculos assi-
duam. Quo ex numero fuit juvenis nobilissi-
mus, pietate, virtute & eruditione haud mi-
nus quam genere pollens præstansq; ut
ipsa vitæ series bona fide nos docet, quam
verbis familiarium amicorum & popularium
subjicimus.

FABIANUS KÖLICHEN *Juvenis*
E genere, E virtutibus eminentissimus natus
est in Silesiâ An. Christi Servatoris M. DC.
XVI. post tertiam matutinam diei XXVII. men-
sis Novembris, qui fuit festus E sacer Adventus
Domini nostri. Ingressum in luminis oras, E in
hanc mortalium scenam excepit novum Mundi
A 3 incolam

incolam domus paterna, tum temporis Luba Si-
tesiorum, quod nec ignobile, nec inamœnum est
oppidum Illustrissimi Principis Lignicensis. Hac
illi prima sedes fuit; hinc edidit primos vagitus, mi-
seria humanae prœnuncios. Patrem habuit Dn.
JOACHIMUM KÖLICHEN auffs
Röschmansdorff vnd Rüstern / virum familiae
claritate, animi generositate, virtutibusq; insi-
gnibus excellentissimum olim: Matrem BAR-
BARAM Vermuthen / matronam & genere,
& dotibus egregijs sui sexus maximè conspicuam,
& supra alias dilaudatam. Ille jamdudum
ante annos XVI nostro annum VII. vix exceden-
te fecit, quod sibi faciendum fuit, & nobis
omnibus faciendum est, quicumq; sumus de ge-
nere hoc mortalium misero, & infelici: Hac ve-
rò versatum adhuc inter vivos, & inter lacru-
mas meras, & continuos luctus atatem exigit,
orbata filio carissimo. Curatus fuit ab optimis
Parentibus extempulò omni cura & sollicitudi-
ne, ante omnia adscriptus cœtui Christianorum
prestito sacri fœderis sacramento: exinde à pri-
mâ statim pueritiâ benè pudiceq; habitus & edu-
ctus, apud omnes impetrauit gratiam & appro-
bationem. Quippe emicuit è vestigio alacris in-
genij

genij vigor, & dederunt sese manifestissima
bonæ mentis, ac nobilissima indolis significatio-
nes: eum in modum, ut ad ipsum dici poterat ve-
rissimè, quod ad Telemachum Homericum; *Ἰ-
σὴν περὸς ἐπέεσται κλυτὸν ἦν.* Ea de causâ & à Pra-
ceptoribus privatis primò intra lares patrios, de-
inde quoq; publicis, tum Laubensibus, ubi natus
erat, tum alijs, imprimis verò, viro celeberrimo atq;
Doctissimo Dn. DANIELE WAN-
CKIO Scholæ Glacensis, Münsterbergensis, ac
tandem Greiffenbergensis quondam Rectore (sub
ejus ductu & disciplina totos tres annos contri-
vit) excultus fuit, atq; perpolitus diligentissimè,
quorum monitis & promtè obtinera vit, & do-
ctrina profecit laudabiliter, ut, positis solidis ar-
tium & linguarum fundamentis, in celebratissi-
mum Gymnasium Elizabethanum, quod Vra-
tislavia est, ampliorem literarum mercatum mis-
sus fuerit, quod factum est anno cl. lcc. XXXV.
Biennium in eâ Palastrâ consumpsit, nonquidem
otio, aut malè agendo, sed strenue atq; gnàviter
vires exercendo, quod omninò facere æquum est
eum, qui unice discipit sese penetrare ad Virtu-
tis & gloria Adem, in quo noster totus fuit, &
effecisset profecito (consq; jam pervenerat) nisi
posita

posita illa fuisset fatalis meta ab illo, qui vitam
& mortem hominum suo sub Numine torquet,
cujus terminos transgredinequivit. Nam postea-
quam colere cœpisset hanc Musarum officinam,
in hac nobili Academia, in quam primum pedem
intulit XV. Junij M. DC. XXXVII. Re-
ctore Magnifico Cl. & Consult. Viro Dn. HEN-
RICO RHANEN, J. U. D. & P. P. eandem
ingenij obtinuit solertiam, eandem in studijs con-
stantiam, eandem in moribus integritatem. As-
siduus fuit in collegijs Logicis, Metaphysicis,
Ethicis præsertim & Politicis, quia enim arduo
& sacro Jurisprudentia studiose totum dedere
& dicare in animo habebat, omnino necessa-
rium putavit, & commodum ut prius antea-
bulis istis, ut ita dicam, scientiis instrueretur,
quantum satis esset, sic enim tutius & felicius ad
sublime illud culmen summa disciplina aditum
parari.

Jurispr. vero quo affectu, quoque amore sit
prosecutus, satis notum est: & hinc evidentis-
simè, quod Collegij Justiniani apud ante lau-
datum Cl. Dn. HENRICUM RHANEN
J. U. D. Primus quasi fuerit autor, & impetra-
tor, que tamen, licet maximè cupidus, frui non
potuit,

potuit, sic subito illam incredibili discendi cupi-
ditate detentum oppressit mors importuna, haud
aliter, ac unum olim è veteribus Philosophis, qui
moriens quoq; discere volebat. Nocens illum in-
vasit lues, & tandem etiam prorsus necavit
XXIV. Julij An. M.DC. XXXIX. licet se-
dulò & validè contra pugnatum sit lectissimis
medicaminibus, quæ adversus atrocissimum ho-
stem prudenter direxit, vir Cl. & Exp. Dn.,
JOHAN ANDREÆ M. Doctor celebris.
Scilicet ad finem vitæ nostræ, deventum cum fue-
rit non revocari possumus ope humanâ: Eundem
est. Igitur FABIANUS KÖLICHEN
noster olim, jam Deo proximus, & quidem i-
vit in amplexus Jesu sui Servatoris, quem, quoad
spirare potuit invocavit ad eò, ut nil nisi Jesus in
corde fuerit, & in ore. Testari potest hoc quis-
quis adfuit ipsi in luctû extremâ: Testari potest,
cum optimâ morte, optimè actam vitam obsi-
gnasse. Nemo equidem illi invidèbit hanc felici-
tatem, quisquis comparabit terram cum cælo, in
quod ex illâ translatus est: Verùm tamen,
propter tam repentinum excessum pij Juvenis in
maximos conjecti sunt mærores, cum pientissima
Genitrix, tum vir Nob. & Strenuus Dn. CON-


STANTINUS KÖLICHEN in Kästern/
quoniam illa Gnatum longè dilectissimum dum
vivabat: hic vero fratrem non minus dilectum,
atq; desideratissimum luget, guttisq; humectant
grandibus ora. Nec minus & illi quibus
cum beatè defunctum quotidiana intercessit fami-
liaritas, aut aliquis amicitia usus, acerbo vexan-
tur dolore, & nunquam sine lacrumis in memo-
riam sibi revocant, mentem ipsius candidam,
& pectus apertissimum nullo proorsus furo obli-
tum, quod sciunt omnes quicumq; illum nove-
runt, &c.


Hæc Nobilissimi & Præstantissimi Juvenis
vita est, hic obitus: qui suo merito à nobis po-
stulat, ut sibi exsequias quam honestissimas
frequentia nostra adornemus. Agite igitur,
Cives Academici, civem & commilitonem
nostrum ad suæ quietis locum deducamus,
quam fieri potest, optimè: Erit ea res nobis
ipsis & Academiae nostræ honori, matri au-
tem viduæ & fratri solatio mœstissimo, desi-
deratissimum fratrem lugenti, solatio non
exiguo, omnibus deniq; meditantibus mor-
talitatem suam, erudito emolumento, præ-
fertim,

fertim ætati juvenili, quæ licet spem vitæ diu-
turnioris, quam senilis ætas, habeat, mortis
tamen in vicinia, vel hoc ipso exemplo, se
habitare & vivere animadvertit. Conventus
fiet in æde sacra D. Jacobi hora prima pome-
ridiana. P. P. Rostochij, Sub Sigillo
Universitatis Anno clō Ioc xxxix.
die 18. Novembr.



Faint, illegible text, possibly bleed-through from the reverse side of the page.





GUSTAV KOCH
Buchbinderei
ROSTOCK.



genij vigor, & dederunt sese in
bona mentis, ac nobilissima indolis
nes: eum in modum, ut ad ipsum dici
rissime, quod ad Telemachum Home
σὺ ματρός ἐνέσχετοαι ἔδοξεν ἰν'. Ea de cau
ceptoribus privatis primò intra lares
inde quoq; publicis, tum Laubensibus
erat, tum alijs, imprimis verò, vir
mo atq; Doctissimo Dn. DANIEL
CKIO Schola Glacensis, Münsterb
tandem Greiffenbergensis quondam
cujus ductu & disciplina totos tres an
vit) excultus fuit, atq; perpolitus dil
quorum monitis & promptè obtempera
etrina profecit laudabiliter, ut, positi
tium & linguarum fundamentis, in
mum Gymnasium Elizabethanum,
tislavia est, ampliorem literarum me
sus fuerit, quod factum est anno cl. I
Biennium in eâ Palastrâ consumpsit, n
otio, aut malè agendo, sed strenue a
vires exercendo, quod omninò facer
eum, qui unice discupit sese penetrar
tis & gloria Adem, in quo noster to
effecisset profecto (consq; jam perve

